

PROCESVERBAL - Tipi i kontratës - Mallra

PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: Blerje Kabell me vetmbajtje ABC (TU) me aksesore

KODI PËRKATËS NË FJALORIN E PËRBASHKËT TË PROKURIMIT (CPV):

KODI CPV - Kabllo për shpërndarjen e energjisë

VLERA E FONDIT LIMIT:

- 149,987,700(njeqind e dyzete e nente milion e nenteqind e tetedhjetë e shtate mije e shtateqind) leke pa TVSH. ose:
- konvertuar ne vleren 1,411,516(nje milion e katerqind e njembedhjetë mije e peseqind e gjashtembdhjetë) euro bazuar ne kursin e kembimit date 14.09.2023 (1 EUR = 106.26 ALL

Ndarje ne Lote - s"ka

Arsyeja pse eshte marre vendim ne lidhje me parashikimin e mosndarjes ne lote eshte bere duke patur parasysh faktin se Autoriteti Kontraktor Drejtoria Rajonale e OSSH Gjirokaster furnizimin me mallrat objekt prokurimi perkatesisht kabllo te tensionit te ulet dhe aksesore te perfshira ne nje kontratë e vetme ndoshta do të jetë më e hapur dhe me pak e kushtueshme, pasi kjo do të përfshijë vetëm një kontratë Mos ndarja ne lote mund të jetë ekonomike, e megjithatë, ekonomitë e shkallës,menaxhimi i përditshëm dhe ofrimi i furnizimeve mund të jenë më të lehta dhe më pak të kushtueshme për sa i takon kohës dhe burimeve.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM Nr. 285 datë 19.05.2021 “Për miratimin e rregullave të prokurimit publik”, autoriteti kontraktor ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

- a. *Formularin Përmbledhës të Vetëdeklarimit, sipas shtojcës 8;*
- b. *Sigurimin e Ofertës, sipas Shtojcës 3.*

Argumentimi: Kërkesat e mësipërme bazohen në nenet 76, 82 dhe 83 të LPP, nenit 26, të VKM nr. 285, datë 19.05.2021 “Për Miratimin e Rregullave të Prokurimit Publik”.

2.1. Kapaciteti ekonomik dhe financiar:

2.1.1. Operatori Ekonomik duhet të paraqesë kopje të certifikuara të bilanceve të tre viteve të fundit 2020, 2021, 2022 të konfirmuara me vule pranë administratës tatimore. Operatorët Ekonomike të cilet plotësojnë 2 nga 3 kërkesat e gërmes “c” të nenit 41 të Ligjit Nr.10091 datë 05.03.2009 “Për auditimin ligjor, organizimin e profesionit të ekspertit kontabël të regjistruar dhe të kontabilistit të miratuar” të ndryshuar; krahas bilanceve të paraqesin dhe raportet e audituesit të pavarur për bilancet e këtyre viteve të konfirmuara nga administrata tatimore.

Kjo kërkesë për kualifikim, konsiderohet e përmbushur nëse në 2 (dy) bilance të njëpasnjëshme, nuk ka raport negativ ndërmjet aktivitetit dhe pasivitetit.

Kur oferta paraqitet nga një bashkim operatorësh, ky kusht plotësohet nga secili anëtar i bashkimit.

2.1.2 Operatori Ekonomik duhet të paraqesë kopje të deklaratave të xhiros mesatare vjetore, të realizuar gjatë 3 (tre) viteve të fundit (2020, 2021, 2022) lëshuar nga Administrata Tatimore, ku vlera e xhiros për të paktën një nga vitet e periudhës së kërkuar duhet të jetë jo më e vogël se **100%** e vlerës së përlogaritur të kontratës, që prokurohet.

Kërkesa për plotësimin e kapaciteteve financiare do të konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

Në rastin e bashkimit të operatorëve ekonomikë ky kriter plotësohet nga secili anëtar i bashkimit në raport me përqindjen dhe/ose kushtet e pjesëmarrjes së tyre në bashkim.

2.1.3 Operatori Ekonomik duhet të paraqesë vërtetim nga organet e pushtetit lokal (Komuna / Bashkia) për shlyerjen e taksave vendore për vitin 2023 (për NIPT-in kryesor dhe për NIPT-et sekondare), sipas parashikimeve ligjore në të gjitha vendet ku ushtron aktivitetin sipas Rregjistrimit në Qendren Kombëtare të Regjistrimit. Në rast bashkimi të operatorëve ekonomikë, çdo anëtar i grupit duhet të dorëzojë vërtetimin lëshuar nga Komuna ose Bashkia në të cilën është regjistruar sipas QKR-se.

Ky kriter të përmbushet nëpërmjet paraqitjes së formularit përmbledhës të vetëdeklarimit sipas Shtojcës Nr.8 të DST.

Argumentimi: Kërkesa e mësipërme është përcaktuar bazuar në nenin 77, pika 3, e LPP, si dhe nenit 43 të VKM Nr. 285, datë 19.05.2021 “Për miratimin e rregullave të prokurimit publik”.

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, ligjit Nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 “Për kontabilitetin dhe pasqyrat financiare”. Referuar në nenin 29 të Ligjit Nr. 8438, datë 28.12.1998 “Për tatimin mbi të ardhurat tatimore: “Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës, duke paraqitur në të njejtën kohë bilancin kontabël, së bashku me anekset e tij, si dhe çdo të dhëne tjetër të përcaktuar në udhëzimin e Ministrit të Financave në zbatim të këtij ligji.

Ndërsa shoqërimi me Akt Ekspertizen e Ekspertit Kontabel te Autorizuar, është bërë duke iu referuar parashikimit në nenit 41 shkronja c” të Ligjit nr. 1009/2009: “*Personat juridikë që detyrohen për auditimin ligjor të pasqyrave financiare detyrohen të kryejnë auditimin ligjor të pasqyrave financiare vjetore, përpara publikim të tyre, nga ekspertë kontabël ose shoqëri audituese: "c) shoqëritë me përgjegjësi të kufizuar, të cilat zbatojnë për raportimin financiar standardet kombëtare të kontabilitetit, kur, në mbyllje të periudhës kontabël, për dy vite radhazi, tejkalojnë **dy prej tre treguesve të mëposhtëm:** i) totali i aktiveve të bilancit, në mbyllje të periudhës kontabël përkatëse, arrin ose e kalon shumën prej **50 milionë lekësh**; ii) shuma e të ardhurave nga veprimtaria ekonomike (qarkullimi) në atë periudhë kontabël arrin ose e kalon shumën prej **100 milionë lekësh**; iii) ka, mesatarisht, **30 të punësuar** gjatë periudhës kontabël”.*

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në ligjin nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 “Për kontabilitetin dhe pasqyrat financiare”.

AK në miratimin e këtij kriteri ka mbajtur në vëmendje nenin 29 të Ligjit Nr. 8438, datë 28.12.1998 “Për tatimin mbi të ardhurat tatimore”: “Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës, duke paraqitur në të njejtën kohë bilancin kontabël, së bashku me anekset e tij, si dhe çdo të dhëne tjetër të përcaktuar në udhëzimin e Ministrit të Financave në zbatim të këtij ligji.”

Shënim: Duke qenë se aktet ligjore dhe nënligjore parashikojnë një marzh për vlerën e xhiros që mund të kërkohet, autoritetet/entet kontraktore duhet të argumentojnë vlerën e kërkuar të xhiros brenda këtij marzhi.

Gjithashtu në lidhje me kërkesën për pagesën e taksave vendore referojme se në bazë të pikave 1 dhe 3, të nenit të 77, të ligjit nr. 162, datë 23.12.2020 “Për prokurimin publik” dhe nenit 41, pika 5/ c), të VKM nr.285, datë 19.05.2021 “Për miratimin e Rregullave të Prokurimit Publik”, në Neni 5, Rregulla të përbashkëta për taksat vendore, dhe në Kreu II, Taksat vendore, Neni 9,

Llojet e taksave vendore, të Ligjit Nr.9632, datë 30.10.2006 Për Sistemin e Taksave Vendore, (i Ndryshuar).

Me anë të kriterit për të paraqitur dokumentacionin e shlyerjes së taksave vendore kërkohet që operatorët ekonomikë të vertetojnë se ushtrojnë aktivitetin në zbatim të kërkesave ligjore të legjislacionit mjedisor, social dhe të punës.

2.2 Kapaciteti teknik:

2.2.1. Për të provuar përvojën e mëparshme, Operatori Ekonomik duhet të paraqesë dëshmi për realizimin me sukses të një ose disa kontratave për furnizimet e mëparshme, të ngjashme, të kryera gjatë tre viteve të fundit, me vlerë jo më e vogël se 40% të vlerës së përlllogaritur të kontratës që prokurohet dhe që është realizuar gjatë tre viteve të fundit, nga data e shpalljes së njoftimit të kontratës.

Si dëshmi për përvojën e mëparshme, Operatori Ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose/dhe faturave tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasi të mallrave të furnizuara.

Në rastin e përvojës së mëparshme të realizuar me sektorin privat, Operatori Ekonomik duhet të paraqesë vetëm fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

Plotësimi i njërit prej dy kushteve të sipërpërmendura e bën ofertën të kualifikueshme.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe nenin 40, pika 4, të VKM nr. 285, datë 19.05.2021 “Për miratimin e rregullave të prokurimit publik”.

Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën e kërkuar që është brenda vlerës së përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Duke marrë në konsideratë sasine dhe cilësinë e mallrave objekt procedure prokurimi, është menduar se vlera e kërkuar që OE ofertues të ketë bërë me kontratë të ngjashme, të jetë jo më e vogël se 40% të vlerës së përlllogaritur të kontratës që prokurohet .

Në këtë mënyrë, AK ka sigurinë dhe besueshmërinë që OE ofertues mund të realizojë kontratën objekt prokurimi pa patur pengesa të ndryshme që do të ndikojnë në ecurinë e punës së AK.

2.2.2 Dokumentacioni

Per mallrat objekt prokurimi -kabel ABC dhe aksesore.

Operatori Ekonomik duhet të paraqesë:

1. Operatori Ekonomik duhet të paraqesë autorizim të prodhuesit / distributorit për mallin e kërkuar. Autorizimi duhet të përmbajë të dhëna të plota të prodhuesit si: telefon, fax, e-mail, website, kjo e nevojshme për Autoritetin Kontraktor në rast verifikimi nga ana e tij. Në rast të disponimit të autorizimit të prodhuesit në gjuhë të huaj, ky dokument të paraqitet i perkthyer dhe i noterizuar në gjuhën zyrtare shqipe.

Argumentimi: Autorizimi i prodhuesit është një dokument i rëndësishëm, pasi përveçse tregon origjinën e mallrave që kërkohen në procedurë, na garanton se ofertuesi është i autorizuar për ofrimin tek AK të këtyre mallrave. Kjo garanci lidhet njëkohësisht edhe me treguesit cilësorë të mallrave që kërkohen të blihen e që janë prodhuar në standardet apo prodhues të zyrtarizuar. Ky kriter është jo diskriminues, është në përpjestim me natyrën dhe përmasat e kontratës dhe lidhet drejtpërdrejtë me aftësitë organizative, reputacionin dhe besueshmërinë e OE ofertues për aftësitë teknike. Kjo kërkesë i shërben autoritetit kontraktor për njohjen e mundësisë së OE-se për përmbushjen me sukses të kontratës. Ky kriter është në përputhje me nenin 77, pika 4, të Ligjit Nr. 162, datë 23.12.2020 “Për prokurimin publik” dhe pikën 6, të nenit 40, të VKM Nr. 285, datë 19.05.2021 “Për miratimin e rregullave të prokurimit publik”.

2. Në mënyrë që të krahasohet pajtueshmëria me specifikimet teknike dhe standartet e kërkuara, Operatori Ekonomik duhet të paraqesë: Katalogun/et ose fragmente të katalogut /eve të prodhuesit/ve për mallrat objekt prokurimi ku të tregohen dhe të specifikohen qartë materialet që do të ofrohen. *Shënim: Fragmentet e katalogut/ve duhet të tregojnë lehtësisht dhe qartë që janë pjesë katalogu, si dhe cilit katalog dhe cilit prodhues i perkasin.*

Argumentim: Kriteri i kërkuar në lidhje me katalogun e prodhuesit/prodhuesve, është vendosur në përputhje me pikën 6/b, të Nenit 40 të VKM Nr. 285, datë 19.05.2021 “Për miratimin e rregullave të prokurimit publik”.

3. Operatori Ekonomik duhet të paraqesë dëshmi të testimeve zyrtare të kryera për mallrat objekt prokurimi të leshuara nga institucione të autorizuar ose nga prodhuesi, që vertetojnë pajtueshmërinë e mallrave të prodhuara (lista e mësipërme e mallrave) me specifikimet teknike dhe standartet e kërkuara nga Autoriteti Kontraktor si dhe certificate nga prodhuesi (ose distributori i autorizuar) me protokollat për testet elektrike të qëndrueshmërisë 2-vjeçare të kabllave.

Argumentimi: Kriteret e kualifikimit vendosen që ti shërbejnë AK-se, për njohjen e gjendjes dhe kapaciteteve të OE-ve, të cilët, nëpërmjet dokumentacionit të paraqitur duhet të vertetojnë se zoterojnë kualifikimet e nevojshme si aftësitë organizative, reputacionin dhe besueshmërinë, përvojën e duhur si dhe çdo element tjetër në funksion të realizimit me sukses të kontratës. Në përmbushje të kriterit të mësipërm, Operatorët Ekonomikë, duhet të paraqesin dëshmi të testimeve zyrtare të kryera, leshuar nga institucione të autorizuar, ose nga prodhuesi, për mallrat e cituar më sipër, për të krijuar bindjen se malli i ofruar është brenda parametrave të kërkuara. Është në të drejtën e AK të kërkojë dëshmi për rezultatet e testimeve zyrtare që vertetojnë pajtueshmërinë e produkteve me specifikimet teknike të vendosura, përpara se AK të bejë përzgjedhjen e OE-se

fituese. Kjo kerkese eshte ne perputhje me piken 6/c, te nenit 40 te VKM Nr. 285, datë 19.05.2021 “Per miratimin e rregullave te prokurimit publik”.

Kabllojt janë në fund të fundit mjete i kryerjes së energjisë elektrike dhe, në këtë drejtim, mbartin rreziqe të larta, duke marrë parasysh zonat e tyre të aplikimit. Për këtë arsye, qëndrueshmëria dhe mbrojtja që ato ofrojnë në rast rreziku është shumë e rëndësishme. Testet elektrike ofrojnë të dhëna të rëndësishme për qëndrueshmërinë e kabllave. Jo vetëm në aspektin e shëndetit të njeriut, por edhe në aspektin e sigurisë së mjedisit, kabllojt duhet t'u nënshtrohen testeve të caktuara. Këto teste të kryera në laboratorët e autorizuar përputhen me rregulloret ligjore në fuqi dhe me kushtet standarde të botuara nga organizatat vendase dhe të huaja.

4. Operatori Ekonomik duhet te paraqese certifikate te vlefshme qe verteton se sistemi i kontrollit dhe menaxhimit te cilesise se tij eshte ne perputhje me ISO 9001 - 2015 dhe objekti i saj te perputhet me mallrat e kerkuara. Ne rast bashkimi te operatoreve ekonomike, secili anetar duhet te paraqese certifikatat ISO te sipercituara.

Argumentimi: Ne lidhje me kërkesën qe OE ofertues duhet të jetë i pajisur dhe të paraqesë certifikaten e standarteve ISO, është menduar se ky është një kriter i domosdoshëm për natyrën dhe vlerën e kontratës si dhe në propocion me te, me qëllim garantimin e realizimit në kohë, me sukses dhe me cilësi sipas standarteve ndërkombëtare të objektit të kontratës.

Certifikata per sistemin e menaxhimit te cilesise ISO 9001 eshte e nevojshme si kriter kualifikues pasi lidhet me natyren dhe vleren e kontrates, me qellim per te vertetuar dhe te garantoje realizimin ne kohe, me sukses dhe me cilesi sipas standarteve nderkombetare te objektit te kontrates. Kërkesa në lidhje me këto certifikata është në përputhje me nenin 44, të VKM Nr. 285, datë 19.05.2021 “Për miratimin e rregullave të prokurimit publik”, dhe nenin 79 të Ligjit Nr. 162, datë 23.12.2020 “Për Prokurimin Publik”.

5. Operatori Ekonomik duhet te paraqese vetedeklarim qe deklaron se sistemi i menaxhimit te cilesise te prodhuesit / ve eshte sipas standartit ISO 9001 - 2015 dhe objekti i saj te perputhet me mallrat e kerkuara.

Argumentimi: Ky kriter eshte kerkuar pasi vetëm prodhuesi mund të vërtetojë se produktet e prodhuara kanë në fakt, karakteristikat e deklaruara. Certifikata e sigurimit të cilësisë ka për qëllim të plotësojë deklaratën fillestare apo certifikatën e përshtatshmërisë. Si provë që janë marrë të gjitha masat e nevojshme për të siguruar cilësinë e produktit, prodhuesi pajiset me certifikatën për cilësinë e sistemit të kontrollit i cili monitoron fabrikimin e produkteve të caktuara. Këto certifikata bazohen në standardet ndërkombëtare ISO 9001: 2000.

6. Operatori Ekonomik duhet te paraqese certifikate akreditimi ISO 17025 te laboratorit te prodhuesit (ose distributori i autorizuar) per testimin e kabllave me izolacion XLPE ose ekuivalenten e saj sipas Drejtorise se Pergjithshme te Standartizimit Shqiptar .

Argumentimi:ISO / IEC 17025 është standardi kryesor ISO i përdorur nga laboratorët testues dhe kalibruer, standardi për të cilin shumë laboratorë duhet të akreditohen në mënyrë

që të konsiderohen teknikisht kompetentë. ISO / IEC 17025:2017 specifikon kërkesat e përgjithshme për të kryer teste dhe / ose kalibrime, duke përfshirë marrjen e mostrave. Standardi mbulon testimin dhe kalibrimin e kryer duke përdorur metoda standarde, metoda jo-standarde dhe metodat laboratorike të zhvilluara.

Standardi është i aplikueshëm për të gjitha kompanitë që kryejnë teste dhe / ose kalibrime. Këtu përfshihen laboratorë të klasës së parë, dytë dhe të tretë, dhe laboratorë ku testimi dhe / ose kalibrimi është pjesë e inspektimit dhe çertifikimit të produktit.

ISO / IEC 17025 është i zbatueshëm për të gjitha laboratorët, pavarësisht nga numri i personelit ose shtrirjes së fushës së testimit dhe / ose kalibrimit.

Laboratorët përdorin standardin ISO / IEC 17025 për të zbatuar një sistem të cilësisë që synon përmirësimin e aftësisë së tyre për të prodhuar vazhdimisht rezultate të vlefshme. Ky standard është gjithashtu bazë për akreditim nga një autoritet akreditues. Klientët e laboratorëve, autoritetet rregullatore dhe organet e akreditimit mund ta përdorin standardin në konfirmimin ose njohjen e kompetencës së laboratorëve.

Si një laborator i akredituar me ISO 17025:2017, ISO/IEC 17025 përfshin njohjen e kompetencës teknike të laboratorëve.

- Kërkesa teknike të përmirësuara ku përfshin shtimin e trajnimeve të personelit dhe të dhëna të detajuara, zhvillimin e metodës dhe procedurave të validimit, matjen e metodës të pasigurisë, dhe kalibrimi i pajisjeve të caktuara dhe program mirëmbajtjeje.
- Një përkufizim më të fortë të procesit të përgatitjes së mostrës do të dokumentohet për të ruajtur qëndrueshmëri në marrjen e mostrave, dhe një program më rigoroz në monitorimin e kontrollit të cilësisë së zbatuar.
- Përmirësim i cilësisë së manaxhimit i përqendruar në kontrollin e dokumenteve për të mbajtur procese të qëndrueshme analitike, përmirësim i monitorimit të performancës së furnitorëve, proces të shqyrtimit të kontratës për dokumentimin e kërkesave të klientëve, si dhe një sistem për trajtimin e komenteve dhe ankesave të klientëve, me përmirësim të vazhdueshëm nëpërmjet procedurave korrigjuese dhe parandaluese të veprimit.
- Rishikimi i Manaxhimit të veprimeve korrigjuese, testime jo konforme dhe ndihma në përcaktimin e trendeve testuese afatgjatë.
- Identifikimi i shpejtë në zgjidhjen e çështjeve në lidhje me metodat, personelin ose pajisjet, për rritjen e kënaqësisë së klientit, plotësimin e kërkesave të cilësisë së klientëve të specializuara, si dhe rritjen e përgjithshme të biznesit laboratorik.

7. Operatori Ekonomik duhet të paraqesë deklaratë konformiteti ku të shprehet që materialet të kenë markim CE.

Argumentimi: Kërkesa për paraqitjen e deklaratës së konformitetit për produktet që kerkohen me sipër, është një kërkesë e lidhur ngushtesisht me objektin e kontratës dhe duke qenë se, Autoriteti Kontraktor është përfitues direkt i kontratës objekt prokurimi është në të drejtën e tij të garantohet se OE-te pjesëmarrës i plotësojnë kërkesat e cilësisë së mallit që do të ofertohet, rrjedhimisht është e drejtë e AK-se të kërkojë ofertuesve që të paraqesin deklaratë për të vertetuar konformitetin prodhimit të produkteve të procedurës e prokurimit. Për Autoritetin Kontraktor është e nevojshme që, Operatorët ekonomikë gjatë ofertimit të tyre

te provojne se zoterojne kapacitetet teknike lidhur me deklaraten e konformitetit per artikujt e kerkuara me siper. Kerkesa e mesiperme ka si qellim te siguroje AK-ne, mbi aftesite teknike te OE fitues ne drejtim te permbushjes me sukses te kontrates dhe detyrimeve ne zbatim te saj, konform standarteve te mirepercaktuara ne DST. Ky kriter nuk eshte diskriminues dhe eshte proporcional me objektin e kontrates, si dhe eshte ne zbatim te Nenit 44 te VKM Nr. 285, datë 19.05.2021 “Per miratimin e rregullave te prokurimit publik”.

8. Operatori Ekonomik duhet te paraqese certifikate leshuar nga prodhuesi (ose distributori i autorizuar) qe kabllot e ofruar jane ne perputhje me standadin e harmonizuar Evropian HD 626-S1, ose ekuivalentin e saj sipas Drejtorise se Pergjithshme te Standartizimit Shqiptar

Argumentimi:

HD 626-S1 zbatohet për kabllot me tension nominal $U_0/U(U_m)=0.6/1(1.2)$ kV të përdorura në sistemet e shpërndarjes së energjisë ajrore kryesisht për shpërndarje publike, me tension maksimal të sistemit që nuk kalon 1.2 kV. Kjo pjesë (Pjesa 1) specifikon kërkesat e përgjithshme të zbatueshme për këto kablo, përveç rasteve kur specifikohet ndryshe në seksionet e veçanta të kësaj HD.

9. Ne menyre qe te krahasohet pajtueshmeria me specifikimet teknike dhe standartet e kerkuara, operatoret ekonomike ofertues duhet te paraqesin mostrat e mallrave perkatesisht

- Gilza me bullon per percjelles ABC 70-150 mm2
- Tub me termotkurrje per gilza, D_{max}/d_{min} 92/25
- Kabell ABC me vetembajtje AL 4x95 mm2
- Kabell AL 4x25 mm2 izolacion XLPE 0.6/1KV
- Kabell koaksial CU-1X6/6MM2 (per lidhje te abonenteve 1 fazore)
- Qafore linje per terheqje ne nje krah per diameter shtylle ne maje 190 mm
- Konektore linje 16 -95 mm2
- Tirantues linje per sistem 4x(70120)mm2
- Kapikorde bimetalike AL-CU 95 mm2 per lidhjen e kabllit ABC ne automat/kabine

ne momentin e hapjes se ofertave prane Autoritetit Kontraktor Drejtorise Rajonale Gjirokaster OSSH sh.a.

Argumentimi: Kriteret e kualifikimit vendosen qe ti sherbejne AK-se sipas referimeve te VKM Nr 285 date 19.05.2021 neni 40 paragrafi 6 i te cilit percakton: Autoriteti/enti kontraktor mund t’u kërkojë operatorëve ekonomikë të dorëzojnë dëshmi, që tregojnë se ata i plotësojnë kërkesat minimale, të përcaktuara në dokumentet e tenderit, si: *mostra të mallit, kur e gjykon se kjo ka rëndësi për vlerësimin e ofertës teknike. Në këtë rast, autoriteti/enti kontraktor duhet të argumentojë kërkesën për mostrat. Mostrat duhet të trajtohen si informacion konfidencial tregtar dhe duhet të jenë në kontroll të autoritetit/entit kontraktor. Në rastin e procedurave të zhvilluara me mjete elektronike, autoriteti ose enti kontraktor përcakton qartë procedurën për dorëzimin e*

mostrave, duke garantuar aksesin e çdo operatori të interesuar si dhe konfidencialitetin për pjesëmarrjen në proces.

10. Operatori ekonomik/ofertues duhet të paraqesë tabelat me të dhënat teknike të kabllave të kerkuara të plotësuar dhe firmosur nga prodhuesi.

Argumentimi: Kriteret e kualifikimit vendosen që ti shërbejnë AK-se, për njohjen e gjendjes dhe kapaciteteve të OE-ve, të cilët, nëpërmjet dokumentacionit të paraqitur duhet të vërtetojnë se zoterojnë kualifikimet e nevojshme si aftësitë organizative, reputacionin dhe besueshmërinë, përvojën e duhur si dhe çdo element tjetër në funksion të realizimit me sukses të kontratës. Në përmbushje të kriterit të mesipër, Operatorët Ekonomikë, duhet të paraqesin tabelat me të dhënat teknike të kabllave të kerkuara të plotësuar dhe firmosur nga prodhuesi, për të krijuar bindjen se malli i ofruar është brenda parametërve të kerkuara. Është në të drejtën e AK të kërkojë dokumenta teknike që vërtetojnë pajtueshmërinë e produkteve me specifikimet teknike të vendosura, përpara se AK të bëjë përzgjedhjen e OE-se fituese. Kjo kërkesë është në përputhje me nenin 40 të VKM Nr. 285, datë 19.05.2021 “Për miratimin e rregullave të prokurimit publik”.

11. Në funksion të plotësimit të Shtojcës 8 “Formulari përmbledhës i vetedeklarimit” Operatori Ekonomik ofertues duhet të japë të dhëna të qarta si Emer, Mbiemër, Ateshi, Amësi, Datëlindje, Vendlindje, Numer Personal, si dhe kopje të skanuar të dokumentit të identifikimit (shqiptar ose të huaj), për Administratorin / Administratorët e shoqërisë, Ortakun/Ortakët e shoqërisë, përfaqësues të ndryshëm të posaçëm të shoqërisë, drejtues të ndryshëm të shoqërisë.

Argumentimi: Ky kriter vendoset referuar njoftimit të përbashkët Nr. 1155 prot, datë 01.02.2019, të Agjencisë së Prokurimit Publik dhe të Ministrisë së Drejtësisë Nr. 1001/1 prot, datë 01.02.2019, sipas parashikimeve të nenit 76/1, të Ligjit Nr. 162, datë 23.12.2020 “Për prokurimin publik”, Autoriteti Kontraktor OSSH sh.a. ka detyrimin e verifikimit të personave të cilët janë në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose ka kompetenca përfaqësuese, vendimmarrjeje ose kontrolluese brenda operatorit ekonomik.

Për këtë arsye, verifikimi i këtyre personave kërkon të dhëna të sakta si emër, mbiemër, ateshi, amësi, vendlindje, datëlindje e numrin personal të personi.

II. Argumentimi i specifikimeve teknike

- *Specifikimet teknike janë hartuar duke marrë në konsideratë nevojat e Autoritetit Kontraktor, për mallrat objekt procedure prokurimi, duke përlogaritur sasitë e nevojshme, karakteristikat e duhura dhe standardet e duhura kombëtare dhe ndërkombëtare, sipas parashikimeve të nenit 36, të Ligjit Nr. 162, datë 23.12.2020 “Për prokurimin publik”.*
- Më pas u diskutuan të gjithë kapitujt e dokumentave të tenderit dhe Njësia e Prokurimit bëri miratimin e dokumentave të tenderit.

- Dokumentat u printuan dhe u firmosën në çdo faqe nga të gjithë anëtarët e Njesisë së Prokurimit.

Data e hapjes dhe e zhvillimit të procedurës së prokurimit do të jetë:

Data 16.10.2023 Ora 12.00

vendi: në mënyrë elektronike në www.app.gov.al .

Në përfundim u vendos vazhdimi i mëtejshëm i procedurave ligjore të prokurimit.

